

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Matronae munificentissimae Dorotheae Friedericae
Lucretiae de Pelcke, natae de Bernhold in Eschau, ...
parentabunt ... cives ...**

Sachs, Johann Christian

Carolsruhae, 1769

"Factum haud ita multo post [...]"

[urn:nbn:de:bsz:31-116002](https://nbn-resolving.org/urn:nbn:de:bsz:31-116002)

se ipsius uxori filiolaeque subventuram. Subvenit large atque honorifice; in aulam suam, in sinum ac gremium excepit utramque. Beneficentissimae Principis liberalitate cum vix sesquiannum fruere-
tur, evocata ad meliorem vitam est Celsissima Princeps, munificen-
tiae suae praemia a benignissimo Numine captura. Redeundum fuit
PELCKIAE nostrae ad proprios lares.

Factum haud ita multo post, ut ex defunctae sororis testa-
mento effertissimam cerneret haereditatem. Mutatam subito puta-
res rerum ipsius faciem. Mutata certe non magis, quam animus.
Quodsi is demum vir est, ut LIVIVS ait, cujus animum nec pro-
spera flatu suo effert, nec adversa infringit fortuna: virili sane animo
fuit ac prorsus heroico; semper eadem sui que simillima. Amplissi-
mis enim, quas fortuna suffragante jam consecuta, opibus, non
propter ipsas gaudebat, aut, quod fieri plerumque solet, ut vel
animo elatius, vel cultu victuque se magnificentius gereret. Nove-
rat, quam sapienter SOCRATES interroganti: quisnam sibi vide-
retur ditissimus? responderit: qui paucissimis contentus est. Pau-
cis cum adhuc vixisset contenta, non desideravit plura. Pluribus,
quae jam possidebat, unam ob causam gavisa, quoniam haberet,
quae larga manu conferret in plures. Itaque luxui, superbiae, ava-
ritiae inimicissima, in adjuvandis pauperibus strenua ac diligens
neque auro neque argento suo eorum causa pepercit. Quin et iis,
quorum penuria per alios ad ipsius aures pervenit, opem suam
rogata nunquam denegavit. Est hoc divinae et sincerae indolis
proprium, miserorum misereri, inopes juvare, bene egentibus
facere. Inprimis miserata est homines tenues malisque domesticis
impe-

impeditos. Testes habemus fletus ac lacrymas, quibus ossa et cineres PELCKIAE nostrae adhuc rigantur.

Solent vero, qui excelsiore aliis animo sunt ac generosiore, nonnunquam laborare, ut non solum, dum vivant, bene de aliis existant merentes, sed ut etiam ipsorum beneficentia, sicut immortalis est animus, post fata ne intermoriatur. Praeclarae hujus virtutis aemula propinquis suis atque amicis, aliisque, qui operam ipsi accommodaverant, vel majorem, vel minorem, prout ipsi visum est, aut pecuniae aut supellectilium copiam testamento legavit, reliquarum facultatum, quae

**TRICIES SEXIES-
QVE MILLE FLORENORVM
SUMMAM** excefferunt, **HÆREDES EX**

ASSE, filia, quam habuerat, jamdudum demortua, scripsit Illustre, quod Carolsruhae floret, Gymnasium, Orphanotropheum Pforzhemii a CAROLO WILHELMO Marchione fundatum, et Aerarium, quod Serenissimus CAROLVS FRIDERICVS, qui, sicut ecclesiastico ordini consultum jam fuerat, reliquorum ordinum uxoribus viduis, ^{vult} ut consuleretur, sapientissime constituit, *) redditibusque ex suo fisco liberalissime instruxit. Leges testamento scriptae haeredibus, inspectoribus, alumnis; quarum exsequendarum curam ut agant, rogantur Principes Marchiones Bada-Durlacenses.

D 2

Con-

*) Wittwen-Fiscus der weltlichen Dienerschaft.